

增廣太平惠民和濟局方

一

	卯
	6
	共4冊



增廣和劑局方用藥總論卷上

玉石部上品

硃砂

味甘微寒無毒主身體五臟百病養精神安魂魄益氣明目通血脈止煩滿消渴殺精魅却惡鬼除

中惡腹痛毒氣亦癩諸瘡藥性論云有大毒鎮心主尸疰抽風日華子云涼微毒潤心肺一云治傷寒時

氣斷瘟疫及療子死腹中不出出沅州麻陽大塊者有牆壁者佳階州砂不堪入藥只可作畫色信州出

一種極有大者相類宜州所產然有砒氣入藥中見火殺人惡磁石畏鹹水採取無時

玉泉

味甘平無毒主五藏百病柔筋強骨安魂魄長肌

肉益精氣利血脈療婦人帶下十二病除氣瘰明耳目日華子云治血塊仙經云三十六水法中化王

爲玉漿稱爲玉泉服之長年不老功劣於自然泉液一云人臨死服五斤死三年色不變



玉屑

味甘平無毒主除胃中熱喘息煩滿止渴日華子云潤心肺明目滋毛髮助聲喉一云解肺渴常服

令人精神不亂屑如麻豆服之久服輕身長年淮南子云味鹹寒無毒主消渴滋養五藏止煩躁同金銀

麥門冬煎服甚有益畏鹿角

雲母

味甘平無毒主身皮死肌中風寒熱除邪氣安五藏益子精明目下氣堅肌續絕補中療五勞七傷

虛損少氣止痢藥性論云君白色者上有小毒主下痢腸癖補腎冷一云治火瘡及風癰風熱帶下淋疾

澤瀉為便畏鮫甲及流水惡徐長卿忌羊血出江東廬山者為勝江南生者多青色不堪入藥

石鍾乳

味甘溫無毒主欬逆上氣明目益精安五臟通百節利九竅下乳汁益氣補虛損療脚弱疼冷

下焦傷竭強陰藥性論云有大毒主泄精寒嗽壯元氣建益陽氣能通聲日華子云補五勞七傷乳有三

種有石乳竹乳茅乳用煉服之不煉令人發淋蛇床為之使惡牡丹元石牡蒙畏紫石英蓑草忌羊血光

澤者為好出道州江華縣
又生少室山採取無時

朴消

味苦辛寒大寒無毒主百病除寒熱邪氣逐六府積聚結固留癖胃中食飲熱結破留血閉絕停痰

痞滿張仲景傷寒論療膀胱急小腹滿身盡黃額上黑及足下熱因作黑痺大便必黑腹臃脹滿聖惠方
治時氣頭痛不止用二兩為末生油調塗頂上孫真人食忌主口瘡取含之立效惡麥句薑其色青白者

佳黃者傷人
赤者殺人


芒硝

味苦大寒五臟積聚久熱胃閉除邪氣破留血腹中痰實結搏通經脈利大小便及月水破五淋推

陳致新化七十二種石消腫毒療天行熱病藥性論使味鹹有小毒能通女子月閉癥瘕下瘰癧黃疸病
主墮胎傳漆瘡主時疾壅熱能散惡血聖惠方治代指用芒硝煎湯淋漬之石韋為使惡麥句薑

消石

味苦辛寒大寒無毒主五臟積熱胃脹閉滌去蓄結飲食推陳致新除邪氣療五藏十二經脈中百



澤者為好[出]道州江華縣
又生少室山[採]取無時

朴消

味苦辛寒大寒無毒主百病除寒熱邪氣逐六府積聚結固留癖胃中食飲熱結破留血閉絕停痰

痞滿[張]仲景傷寒論療膀胱急小腹滿身盡黃額上黑及足下熱因作黑痺大便必黑腹臚脹滿[聖]惠方

治時氣頭痛不止用二兩為末生油調塗頂上[孫]真人食忌主口瘡取含之立效惡麥句薑其色青白者

佳黃者傷人赤者殺人

芒硝

味苦大寒五臟積聚久熱胃閉除邪氣破留血腹中痰實結搏通經脈利大小便及月水破五淋推

陳致新化七十二種石消腫毒療天行熱病藥性論便味鹹有小毒能通女子月閉癥瘕下瘰癧黃疸病

主墮胎傳漆瘡主時疾壅熱能散惡血[聖]惠方治代指用芒硝煎湯淋漬之石韋為便惡麥句薑

消石

味苦辛寒大寒無毒主五臟積熱胃脹閉滌去蓄結飲食推陳致新除邪氣療五藏十二經脈中百

石部 二 照曠閣



二十疾暴傷寒腹中大熱止煩滿消渴利小便及瘰
蝕瘡蜀本云大黃為使能化七十二種石為水藥性
論云有小毒主項下瘰癧破積散堅結日華子云治
喉閉一云治赤眼療惡寒治五種淋疾及小便不通
又治頭痛火為之使惡苦參苦菜曾青畏女菀杏仁
竹葉元明粉味甘冷無毒治心熱煩躁并五臟
宿滯癥結明目退膈上虛熱消腫毒天陰號曰治熱
毒搜風冷疔癖氣脹滿五勞七傷骨蒸傳尸頭痛煩
熱搜除惡疾五臟祕澀大小腸不通三焦熱淋疰忤
欬嗽嘔逆口苦舌乾咽喉閉塞心肝脾肺臟胃積熱
驚悸健忘榮衛不調中酒中膾飲食過度腰膝冷痛
手脚酸痺久冷久熱四肢壅塞背膊拘急眼昏目眩
久視無力腸風痔病血癖不調婦人產後小兒疳氣
陰毒傷寒表裏疫病等疾長服安胎誕孩無瘡腫疾
病馬牙消味甘大寒無毒除五藏積熱伏氣點眼
去赤腫障翳澀淚痛消食治小兒驚口重舌生消
味苦大寒無毒主風熱癩癩小兒驚邪癩瘕風眩頭
痛肺壅耳聾口瘡喉痺咽塞牙頰腫痛目赤熱痛多

眇淚生
茂州

礬石

味酸寒無毒主寒熱洩痢白沃陰蝕惡瘡目痛堅骨齒除固熱在骨髓去鼻中息肉藥性論云使有小毒能治鼠漏瘰癧療鼻衄治鼈鼻生含燕津治急

喉痺日華子云性凉除風去熱消痰止渴煖水臟治中風失音疥癬甘草為之使惡牡蠣畏麻黃

滑石

味甘寒大寒無毒主身熱洩癍女子乳難癢閉通津液去留結止渴令人利中藥性論臣能療五淋主

難產合滑胎易生除燥渴心煩偏主石淋日華子云治乳癰利津液聖惠方治婦人過忍小便胞轉以未葱湯下二錢石韋為之使惡曾青

空青

味甘酸寒大寒無毒主青盲耳聾明目利九竅通血脈養精神益肝氣療目赤腫去膚翳止淚出利

水道下乳汁通關節破堅積藥性論君能治頭風鎮肝瞳人破者再得見物一云治中風手臂不仁口喎

局方總論卷上玉石部 三 昭廣閣



不正畏
兔絲子

會青

味酸小寒無毒主目痛止淚出風痺利關節通九竅破癥堅積聚養肝膽除寒熱殺白虫療頭風腦

鄂州
次之


石膽

味酸辛寒有毒主明目目痛金瘡諸癰瘕女子陰蝕痛石淋寒熱崩中下血諸邪毒氣令人有子散

毒陸英為使一云帶下赤白面黃女子臍寒療齒痛
治中風癱瘓水英為之使畏牡桂茵桂芫花辛夷白薇出信州

綠青

味酸寒無毒主益氣療鼻止洩痢吐風痰生山陰穴中色青白今醫家多用吐風痰其法揀取上色精好者先搗下篩更用水飛過至細乃再研治之如風痰眩悶取二三錢同生龍腦三四豆許研以



生薄荷汁合酒溫調服使仰臥須臾涎自口出乃愈
不嘔吐其功速於他藥今人用之比此皆效故以法
附之

赤石脂

味甘酸辛大溫無毒主養心氣明目益精療腹痛洩瀉下痢赤白小便利及瘰癧瘡痔女子崩

中漏下產難胞衣不下久服補髓好顏色益智藥性
論君補五臟虛乏一云治痰飲吐水及傷寒下痢又
治大腸寒滑小便精出

惡大黃松脂畏荒花

白石脂

味甘酸平無毒主養肺氣厚腸補骨髓療五臟
驚悸不足心下煩止腹痛下水小腸瀉熱溏便

膿血女子崩中漏下赤白沃排瘰癧瘡痔久服安心
藥性云味甘辛澀大腸一云治瀉痢得厚朴并米飲
止便膿燕屎爲使惡松脂馬目

毒公畏黃芩黃連甘草飛廉

青石脂

味酸平無毒主養肝膽氣明目療黃疸洩痢腸
瀉女子帶下百病及疽痔惡瘡補髓益氣不飢

延年
增壽

黑石脂

味鹹平無毒主養腎氣強陰主陰蝕瘡止腸澼洩痢療口瘡咽痛久服益氣不飢延年日華子

云五色石脂並溫無毒畏黃芩大黃治瀉痢血崩帶下吐血衄血并澀精淋瀝安心鎮五臟除煩療驚悸

排膿治瘡癰瘦養脾氣壯筋骨補虛損久服悅色文理膩綴唇者為上出潁川陽城或生洛

黃石脂

味苦平無毒主養脾氣安五藏調中大人小兒洩痢腸澼下膿血去白蟲除黃疸瘡疽蟲久服

輕身延年曾青為之使惡細辛畏黃連甘草蜚廉出嵩高山色如鶯雛採無時

白石英

味甘辛微溫無毒主消渴陰痿不足欬逆胸膈久寒益氣除風濕痺療肺痿下氣利小便補五

藏藥性論君能治肺癰吐膿欬逆上氣黃疸一云治腹堅脹滿心神不安惡馬目毒公

紫石英

味甘辛溫無毒主心腹欬逆邪氣補不足女子風寒在子宮絕孕十年無子療上氣心腹疼痛寒

熱邪氣結氣補心氣不足定驚悸安魂魄填下焦止
消渴除胃中久寒散癰腫藥性論君主養肺氣治驚
癰蝕膿虛而驚悸不安日華子云治癰腫毒等醋淬
為末生薑米醋煎傅之摩亦得聖惠方補虛勞止驚
悸令人能食打碎五兩如米豆大淘一遍以水一斗
煮取三升去滓澄清細細服或煮粥羹食亦得服盡
更煎服長石為之使得茯苓人參芍藥共療心中結
氣得天雄菖蒲共療霍亂畏扁青附子不欲鮓甲黃
連麥句薑

禹餘糧

味甘寒無毒主欬逆寒熱煩滿下赤白血閉癥

崩中日華子云治邪氣及骨節疼四肢不仁痔
瘦等疾又治婦人帶下產後煩躁牡丹為之便

太一餘糧

味甘平無毒主欬逆上氣癥瘕血閉漏下除

餘糧看即如石輕敲便碎可如粉也兼
重重如葉子雌黃此能益脾安藏氣

無名異 味甘平主金瘡折傷內損止痛生肌肉日華云無毒今云味鹹寒消腫毒瘰疬疔大食國生於

石上狀如黑石炭蕃人以油煉如鑿石嚼之如錫圖經曰嶺南人云有石無名異絕難得有草無名異彼

人不甚貴重豈本經說者為石而今所
有者為草乎用時以醋磨塗傳所苦處

綠礬 涼無毒治喉痺虫牙口瘡及惡瘡疥癬釀鰓魚燒

神效丹綠礬用火煨通赤以醋淬過如此
三次細研棗肉和丸菜豆大溫水下日三服

柳絮礬 冷無毒消痰治渴潤心肺

婆娑石 解一切毒藥瘴疫熱悶頭痛生南海胡人採得
之無斑點者有金星磨成乳汁者為上又有豆

斑石雖亦解毒功力不及復有鄂綠有文理磨鐵成
銅色人多以此為之非真也凡欲驗真者以水磨點

鷄冠熱血當
化成水是也



玉石部中品

雄黃

味苦甘平寒大温有毒主寒熱鼠癩惡瘡疽痔死

中大風積聚癖氣中惡腹痛鬼疰殺精物惡鬼邪氣

百蟲毒勝五兵殺諸蛇虺毒藥性云金苗也殺百毒

味辛有大毒能治尸疰辟百邪鬼魅殺蠱毒人佩之

鬼神不敢近日華云微毒治疥癬風邪癩癘嵐瘴一

切蛇蟲犬獸咬傷二云治傷寒骨蒸耳聾養胎癥瘕

積聚去三尸益氣療金瘡及纏喉風解黎蘆毒箭毒

石硫黃

味酸温大熱有毒主婦人陰蝕疽痔惡血堅筋

骨除頭禿療心腹積聚邪氣冷癖在脇欬逆上

氣脚冷疼弱無力及鼻衄惡瘡下部蠶瘡止血殺疥

蟲藥性論君有大毒以黑錫煎湯解之能下氣治脚

雌黃

味辛甘平大寒有毒主惡瘡頭禿疥殺毒蟲虱

身痒邪氣諸毒蝕鼻中息肉下部蠶瘡身面白駁

及療寒熱欬逆煉服主治虛損泄精



散皮膚死肌及恍惚邪氣殺蜂
蛇毒藥性論云君不入湯藥

食鹽

味鹹温無毒主殺鬼蠱邪注毒氣下部蠶瘡傷寒
寒熱吐胃中痰癖止心腹卒痛堅肌骨多食傷肺

喜欬藥性論有小毒能殺一切毒氣鬼疰氣主心痛
中惡主鬼疰尸疰下部蝕瘡日華子云助水臟及霍

亂金瘡明目止風淚邪氣一切蟲傷瘡腫消食滋
五味長肉補皮膚通大小便小兒疝氣并內腎氣

水銀

味辛寒有毒主疥癩痂瘍白禿殺皮膚中蝨墮胎
除熱藥性云君殺金銅毒能墮胎主療癩疥等緣


殺蟲日華子云無毒治天行熱疾催生下死胎治惡
瘡除風安神鎮心鍍金燒粉人多患風或大股使作

須飲酒并肥猪肉及服
鐵漿可禦其毒畏磁石

石膏

味辛甘微寒無毒主中風寒熱心下逆氣驚喘口
乾舌焦不能息腹中堅痛除邪鬼產乳金瘡除時

氣頭痛身熱三焦大熱皮膚熱腸胃中結氣解肌發
汗止消渴煩逆腹脹暴氣喘息藥性云使治傷寒頭



痛如裂壯熱皮如火燥煩渴解肌出毒汗主通胃中
結煩悶心下急煩躁治唇口乾焦和葱煎茶去頭痛
蕭炳云臣曰華子云治天行熱狂下乳頭風旋心煩
燥指齒益齒鷄子爲之使惡莽草馬目毒公巴豆畏
鐵

金屑

味辛平有毒主鎮精神堅骨髓通利五臟除邪毒
藥性云金箔亦同主小兒驚傷五藏風癩失志鎮
心安魂魄青霞子云金液還丹論金

銀屑


味辛平有毒主安五臟定心神止驚悸除邪氣久
服輕身長年藥性云君銀箔同主定志去驚癇小
兒癩疾狂走之病子母祕錄治妊娠卒腰痛如折

除風

生銀

性寒無毒主熱狂驚悸發癇恍惚夜臥不安譏語
邪氣鬼祟服之明目鎮心安神定志小兒諸熱丹

局方總論卷七玉石部七
照廣嗣



毒並水磨服功勝紫雪陳藏器云味辛日華子云冷
微毒畏石亭脂治小兒中惡熱毒煩悶並水磨下又

治中惡蠱毒心熱煎煩
憂忘虛劣忌一切生血

靈砂

味甘性溫無毒主五臟百病養神安魄益氣明目
通血脈止煩滿益精神殺精魅惡鬼氣久服通神

明不老輕身神仙令人心靈一名二炁砂水銀一兩
硫黃六銖細研先炒作青砂頭後入水火既濟瀘抽

之如束針紋者成就也

惡磁石鹹水茅亭客話

水銀粉

味辛冷無毒畏磁石通大腸轉小兒疳痺癩癧
殺瘡疥癬虫及鼻上酒皴風瘡瘙痒又名汞粉

輕粉峭粉忌一切等諸血

磁石

味辛鹹寒無毒主周痺風濕肢節中痛不可持物
洗洗酸瘡除大熱煩滿及耳聾養腎臟強骨氣益

精除煩通關節消癰腫鼠癭頸核喉痛小兒驚癇藥
性云臣味鹹有小毒能補男子腎虛風虛身強腰中



不利外臺祕要云療丁腫取磁石為粉醱醋和封之
立拔根出差神妙鬼遺方治金瘡腸出欲入之磁石
滑石各三兩為末以白米飲調方寸七服日再服丹
房鏡源云服食不可長久多服必有大患青霞子云
磁石毛治腎之疾柴胡為之便

殺鐵毒惡吐丹莽草畏黃石脂

元石

味鹹温無毒主大人小兒驚癇女子絕孕少腹冷
痛少精身重服之令人有子一名元水石一名處

石生太山之陽山陰有銅銅者雌元者雄惡松枝栢
實菌桂一云磁石中有細孔中黃赤色好者能連十
針其無孔光澤純黑者

元石也不能懸針耳

疑水石

一名寒水石味辛甘寒大寒無毒主身熱腹中
積聚邪氣皮中如火燒煩滿水飲之除時氣熱

盛五臟伏熱胃中熱煩滿止渴水腫小腹痛藥性云
能壓丹石毒風去心煩渴悶解傷寒復勞云云治風

熱心躁口乾狂言渾身壯熱及中
諸毒解巴豆毒畏地榆採無時

